

Midada tar las elecziuns communalas 2019

Scu sto publitgia aint igls figls uffizials digl cumegn da Surses igls 15 d'avost 2019 (emda 33) on li chest onn las elecziuns dallas instanzas communalas.

Anfignen igl termin uffizial per demissiuns da commembers d'ena autoritad communal era antradas treis demissiuns.

Da nov ò Aaron Bellini, commember digl cunsegl da scola, inoltro posteriouramaintg la sia demissiun cun la supplica da conceder chella.

Chella dumonda è neida acceptada dalla suprastanza communal.

Acutalmaintg on igl suandont funcziunari e las suandontas funcziunarias an uffezi do ancunaschaint lour demissiun e stattan cotras betg ple a disposiziun per en'ulterioura candidatura:

- suprastanza communal: Karin Hersche, commembra
- cunsegl da scola: - Aaron Bellini, commember
- Gilda Jäger-Iseppi, commembra
- cumischung da gestiun: Sandra Baltermia-Guetg, commembra

La suprastanza ò fixo igls termins suandonts per las elecziuns communalas digl 2019:

1. scrutini: dumengia, igls 6 d'otgover 2019
2. scrutini: dumengia, igl 1. da december 2019

D'eliger èn igls suandonts commembers dallas autoritads communalas per la dirada da quatter onns (2020 - 2023)

- igl mastral
- igls quatter ulteriours commembers dalla suprastanza communal
- igls quatter ulteriours commembers digl cunsegl da scola
- igls treis commembers dalla cumischung da gestiun

Per las elecziuns vala la procedura stipulada ainten la lescha da votaziuns e d'elecziuns digl cumegn da Surses (art. 12 ss). Las propostas electoralas pigl ampren scrutini ston neir surdadas an scretg anfignen igl pi tard glindesde, igls 16 da settember 2019, allas 18.00, tar l'administraziun communal a Tinizong (u agl canzlist ni agl spurtegl digls sarvetschs d'abitants). Propostas tgi aintran pi tard n'èn betg vavevlas.

Ena proposta electorala na dastga betg cuntigneir duple candidats tgi posts libers.

Igls formulars per far propostas electoralas pon neir retratgs a partair d'immediat agl spurtegl digls sarvetschs d'abitants tar l'administraziun communal a Tinizong u neir cargeas giu dalla pagina d'internet www.surses.ch (rubrica politica / suprastanza communal).

Propostas electoralas fatgas pigl ampren scrutini valan er per igl sagond scrutini, schinavant tg'igl candidat na reteira betg sia candidatura. Pertutgont las propostas electoralas per igl sagond scrutini valan las mademas determinaziuns conformas agl ampren scrutini.

Las persungas cun dretg da votar survignan igl material da votar (glistas cun igls noms dallas candidatas resp. digls candidats tgi èn proponias per l'elecziun ed igls cedels da votar) aglmanc 14 deis avant la votaziun all'urna.

Tant la constituziun communal scu er la lescha da votaziuns e d'elecziuns pon neir retratgas tar la canzleia communal u neir cargedas giu dalla pagina d'internet www.surses.ch (rubrica administraziun / leschas e reglamaints).

Nous supplitgagn da piglier cunaschientscha.